

## ZAKLJUČCI

sa IV. sjednice predsjedništva Saveza geodetskih inženjera i geometara Jugoslavije koji se odnose na održavanje IV Kongresa i II Godišnje skupštine SGIGJ

### I ODRŽAVANJE KONGRESA

1. Mjesto i datum. IV Kongres SGIGJ održaće se u Sarajevu 6. i 7. novembra 1968. godine, najvjerovatnije u sali Doma milicije. Pokroviteljstvo nad Kongresom preuzeo je predsjednik ~~Izvršnog vijeća~~ <sup>Savjeta</sup> BiH drug Džemal Bijedić.
2. Odbor za organizaciju. Organizacija Kongresa povjerena je Savezu geodetskih inženjera i geometara BiH pa je odlučeno da većina članova Odbora za organizaciju bude iz Sarajeva, a iz Sekretarijata da budu samo dva člana. U organizacioni odbor izabrani su drugovi: Ahmetanović, Kurtović, Milak, Koroman, Redžić, Kapetanović, Omerbašić i Antić iz Sarajeva te Buder, Jovanović i Kazija iz Beograda.
3. Teme Kongresa. Za osnovne teme Kongresa usvojene su oblasti i teze koje je predložio Sekretarijat u cjelini s tim da se unesu manje izmjene proistekle iz diskusije. Sekretarijat će ovako oformljene teze dostaviti svim republičkim savezima.
4. Izrada glavnih referata. Za nosioce glavnih referata predstavništvo je zadužilo slijedeće drugove:
  - David Trinki: "O mjestu i ulozi struke u izgradnji zemlje",
  - Dragutin Car: "Zadaci geodetskih stručnjaka u vezi sa sprovođenjem društvene i privredne reforme",
  - Abdulah Muminagić: "Javez geodetskih inženjera i geometara Jugoslavije i njegovi zadaci".

Prilikom obrade referata, njihovi nosioci treba da konsultuju drugove koji su bliži nekoj materiji izraženoj u tezama a s

druge strane - ustanove, radne organizacije i pojedinci moraju nosiocima referata pružiti svestranu podršku i pomoć. Osnovni referati treba da budu završeni do 1. jula 1968. god.

5. Izrada koreferata. Koreferati treba da se na odredjeni način uklape u teme koje su sadržaj rada Kongresa. Za njihovu stručnu recenziju brinuće Republički savezi ujedno treba da budu inicijatori za izradu što većeg broja koreferata sa njihovog područja. Svi koreferati moraju biti dostavljeni Sekretarijatu SGIG Jugoslavije do 1. jula 1968. godine.
6. Redakcioni odbor. Osnovni referati kao i koreferati koji stignu do navedenog roka Sekretarijatu SGIGJ biće štampani kao jedinstvena publikacija i dostavljeni učesnicima Kongresa kao materijal potreban za praćenje rada Kongresa i osnova za diskusiju. Brigu oko sredjivanja i štampanja ovog materijala preduzeće posebni redakcioni odbor u sastavu: I. Živković, A. Muminagić, D. Trinki. Treškove štampe snosiće Savez GIG Jugoslavije. Kasnije prispjele koreferate Savez neće moći da štampa, pa će to morati učiniti pojedinci ili njihove radne organizacije o svom trošku. Bilo bi poželjno da svi, tako štampani, koreferati imaju isti format kao i osnovni materijal o čemu će se dobiti informacije preko Sekretarijata SGIGJ.
7. Finansijska sredstva. Predsjedništvo smatra da će Kongresu prisustvovati oko 350 učesnika i osnovna finansijska sredstva trebala bi da proisteknu od kotizacije koju bi uplatili učesnici. Odlučeno je da visina kotizacije bude 200 Nov. din. po učesniku. Isto tako zaključeno je da Sekretarijat u ime predsjedništva pošalje raspis svim geodetskim upravama i geodetskim radnim organizacijama u kojem bi ih upoznao sa materijom koja treba da se na Kongresu obradi i zamolio da materijalno pomognu održavanje Kongresa. Pošto su troškovi održavanja veliki, a Savez može jedino da se samofinansira od ovakvih i sličnih manifestacija, Sekretarijat i organizacioni odbor treba da se obrate za finansijsku pomoć komorama, fondovima i administrativno-političkim organizacijama.

8. Strani gosti. Nastavljajući korisnu praksu međunarodne razmjene delegacija i predstavnika, Predsjedništvo je odlučilo da se na Kongres kao gosti pozovu po dva delegata od strane saveza sa kojima je takva razmjena uobičajena i to iz: Bugarske, ČSSR, DR Njemačke, Mađarske i Poljske. Osim toga kao gosti Kongresa pozvali bi se članovi stranih stručnih saveza koji su svojim radom doprinijeli uspostavljanju i unapređenju međusobnih veza i prijateljskih odnosa između tih saveza i našeg saveza i koji bi na Skupštini bili proglašeni počasnim članovima SGIGJ. Predsjedništvo je odlučilo da se u tom smislu Skupštini predlože: Prof. Peovski iz Bugarske, DR, Komorodi iz Mađarske i Mgr. inž. Klopočinski iz Poljske te istima uputiti i pozivnice za Kongres.

## II ODRŽAVANJE SKUPŠTINE

Predsjedništvo je usvojilo prijedlog da se Skupština održi neposredno iza Kongresa tj. 8. novembra 1968. godine. Za skupštinu je usvojen slijedeći dnevni red:

- Otvaranje Skupštine
- Izbor radnog predsjedništva i ostalih radnih tijela
- Izvještaj o radu Predsjedništva i stalnih komisija
- Izvještaj nadzornog odbora
- Referat o organizaciji i strukturi SGIGJ u novim uslovima
- Diskusija o referatu i izvještajima
- Davanje razrešnice organima SGIGJ
- Izbor počasnih i zaslužnih članova SGIGJ
- Prijedlog novog Statuta SGIGJ i njegovo usvajanje
- Izbor Predsjedništva drugih organa SGIGJ
- Prijedlog i usvajanje zaključaka Skupštine.

U cilju odvijanja potrebnih priprema za Skupštinu, Predsjedništvo je donijelo nekoliko zaključaka.

1. Da se oblikuje komisija za statut u sastavu: A. Muminagić, V. Blagojević i Dj. Matović koja će izraditi nacrt novog statuta i predložiti ga na usvajanje Skupštini.